

FIBA-ს რეგულაციები ღონისძიების ადგილის შესახებ (ძალაშია 2018 წლის 1 აპრილიდან)

1. ზოგადი პრინციპები

- 1.1 აღნიშნული რეგულაციების თანახმად, პირად შეგვიძლია მივიჩნიოთ ნებისმიერი პირი, რომელიც ესწრება ან/და აპირებს დაესწროს FIBA-ს რომელიმე ღონისძიებას ან/და შეჯიბრს (შემდგომ ღონისძიება), მიუხედავად იმისა, ფლობს თუ არა ასეთი პირი დასწრების უფლების დამადასტურებელ მოქმედ საბუთს ბილეთის სახით (შემდგომ ბილეთი) ან ოფიციალურ აკრედიტაციას (შემდგომ აკრედიტაცია).
- 1.2 წინამდებარე წესები მოქმედებს ღონისძიებისთვის გამოყენებულ ნებისმიერ შენობაში პირის შემოსვლის მომენტიდან, უსაფრთხოების ნებისმიერი შესაძლო პერიმეტრის ჩათვლით (შემდგომ ღონისძიების ადგილი) და ძალაშია პირის მიერ ღონისძიების ადგილის დატოვების მომენტამდე.
- 1.3 წინამდებარე წესების სრული ტექსტი ხელმისაწვდომი არის FIBA-ს ან/და ღონისძიების ოფიციალურ ვებგვერდზე. წესები აგრეთვე გამოკრული იქნება ღონისძიების ადგილის შესასვლელთან, ბილეთების ჯიხურებსა და აკრედიტაციის ოფისებში.
- 1.4 თუ პირი რაიმე მიზეზით ან რამე სახით არ იცავს დადგენილ წესებს, მას შეიძლება არ მიეცეს ღონისძიების ადგილზე შესვლის უფლება ან მოხდეს მისი ღონისძიების ადგილიდან გაძევება ღონისძიების პერსონალის, უსაფრთხოების პერსონალის ან სამართალდამცავი ორგანოების წარმომადგენლების მიერ მათი შეხედულებისამებრ. გარდა ამისა, პირზე შესაძლოა გავრცელდეს სამართალდამცავი ორგანოების წარმომადგენლის/წარმომადგენლების მიერ გატარებული ნებისმიერი სახის სამართლებრივი ღონისძიება მოქმედი კანონმდებლობის შესაბამისად.
- 1.5 იმ შემთხვევაში, თუ პირს არ დაუშვებენ ღონისძიების ადგილზე ან მოხდება მისი ღონისძიების ადგილიდან გაძევება წესების დარღვევის გამო, ის ავტომატურად დაკარგავს ღონისძიების ადგილზე ხელმეორედ შესვლის უფლებას, აგრეთვე ღონისძიების ფარგლებში გაღებული ნებისმიერი თანხის ანაზღაურების უფლებას, მათ შორის, ბილეთების თანხის ანაზღაურების უფლებასაც.
- 1.6 პირებს, რომლებსაც საჯარო ან სპორტული პერსონალის მიერ აეკრძალებათ სპორტულ ღონისძიებებზე დასწრება, შესაძლოა აგრეთვე აეკრძალოთ ბილეთების შესყიდვა, აკრედიტაციის მიღება, ან/და ღონისძიების ადგილზე შესვლა.
- 1.7 არასრულწლოვანის მიერ ბილეთის ან/და აკრედიტაციის გამოყენებისას ივარაუდება, რომ მას აქვს მშობლების ან მეურვეების თანხმობა აღნიშნულის შესახებ.

2. ძირითადი წესები და პირობები

- 2.1 პირი ვალდებულია ყოველთვის:
 - a. დაიცვას წინამდებარე წესები, რომლებიც შესაძლოა აერთიანებდეს FIBA-ს გენერალურ სტატუტებს და შიდა რეგულაციებს, აგრეთვე FIBA-ს სხვა წესებს, გადაწყვეტილებებს და სხვა ისეთ წესებს, რომელთა დაცვაც სავალდებულოა (მაგ. სახელმწიფო კანონმდებლობა და ა.შ.);
 - b. დაიცვას სამართალდამცავი ორგანოების წარმომადგენლების, ღონისძიების პერსონალის, უსაფრთხოების პერსონალის ან/და სხვა სათანადოდ უფლებამოსილი პირების მიერ მიღებული ნებისმიერი მითითება;
 - c. ჰქონდეს ბილეთი ან სხვა ტიპის აკრედიტაცია და ოფიციალური პირადობის დამადასტურებელი დოკუმენტი, რომელზეც იქნება დატანილი პირის ფოტო, რომლითაც შესაძლებელი იქნება მისი ამოცნობა;
 - d. განაცხადოს თანხმობა კონტროლის გავლაზე, სხეულის შემოწმებასა და ისეთი ნივთების კონფისკაციაზე, რომელთა შეტანაც დაუშვებელია ღონისძიების ადგილას წინამდებარე წესების ან სხვა კანონების საფუძველზე.
- 2.2 ღონისძიების ადგილზე არ დაიშვება ან შესაძლოა გაძევდეს პირი, რომელიც იქნება ნარკოტიკული, ალკოჰოლური ან სხვა ტიპის თრობის ქვეშ.

2.3. პირს ეკრძალება:

- a. ნებისმიერი ნივთის/სუბსტანციის სროლა ან/და ცეცხლის წაკიდება;
- b. აგრესიული ან ისეთი ტიპის ქცევა, რომელმაც შესაძლოა საფრთხე შეუქმნას უსაფრთხოებას, ჯანდაცვას, საჯარო წესრიგს, ღონისძიების მსვლელობას, FIBA-ს ან/და ღონისძიების ორგანიზატორის (შემდგომ ორგანიზატორი) რეპუტაციას;
- c. ნაციონალისტური, პოლიტიკური, რელიგიური, რასისტული ან ისეთი განცხადებების გაკეთება, რომელიც FIBA-ს მიერ მიღებული გონივრული გადაწყვეტილების შედეგად არ შეეფერება სპორტული ღონისძიების სტანდარტებს (შემდგომ აკრძალული განცხადებები);
- d. ისეთი ქმედების ჩადენა, რომელმაც შესაძლოა გამოიწვიოს ძალადობა ან შუღლი რასისტულ, რელიგიურ ან ქსენოფობიურ ნიადაგზე;
- e. დადოს ღონისძიებასთან დაკავშირებული ფსონები ნებისმიერი ფორმით
- f. საფრთხე შეუქმნას სხვათა სიცოცხლეს და უსაფრთხოებას ან მიაყენოს სხვებს შეურაცხყოფა;
- g. აძვრეს სკამებზე ან ღონისძიების ადგილის შიგნით არსებულ ნებისმიერ კონსტრუქციასზე;
- h. თამაშის მსვლელობის დროს, მის ბილეთში/აკრედიტაციის დოკუმენტში მითითებული ადგილის გარდა ნებისმიერ სხვა სივრცეში ყოფნა, გასასვლელების ან კალათბურთის მოედნის მიმდებარე ტერიტორიის ჩათვლით;
- i. მოწვევა ნებისმიერ სივრცეში გარდა მოსაწვევი ზონებისა (ასეთის არსებობის შემთხვევაში);
- j. პირადი მოხმარების გარდა, სხვა მიზნით ჩაიწეროს ან გაავრცელოს ღონისძიების ნებისმიერი ხმოვანი ფაილი, ვიდეო, ფოტო, ან ღონისძიების აღწერა ან მისი სტატისტიკა, რომელიც ასახავს მოთამაშეებს, მწვრთნელებს, ღონისძიების სხვა ოფიციალურ პირებს, გარდა იმ შემთხვევებისა თუ აქვს FIBA-ს მიერ გაცემული ოფიციალური უფლება აღნიშნულის შესახებ;
- k. რაიმე სახით იყოს ჩართული ნებისმიერი ხმოვანი ფაილის, ვიდეოს, ფოტოს, ღონისძიების აღწერის ან/და მისი სტატისტიკის საჯაროდ გავრცელებაში, მიუხედავად გავრცელების ფორმისა, იქნება ეს ინტერნეტით, რადიოთი, ტელევიზიით, მობილური ტელეფონით, ინტერნეტ-მონწყობილობით, ან რაიმე ტიპის ინფორმაციის გადამცემით (რომელიც არ არის ცნობილი მოცემულ მომენტში ან რომლის გამოგონებაც მოხდა შემდგომ);
- l. ჩაერთოს რაიმე სახის ისეთ საქმიანობაში, რამაც შეიძლება გამოიწვიოს არაავტორიზებული კომერციული აქტივობა ღონისძიების ადგილზე, მათ შორის, მაგრამ არა მხოლოდ ისეთი აქტივობა, რომელიც იწვევს უნებართვო ასოცირებას ღონისძიების ოფიციალურ სიმბოლოებთან, FIBA-თან და მის კომერციულ პარტნიორებთან;
- m. ღონისძიების ადგილას სარეკლამო ან კომერციული ნივთების და მასალების გამოყენება, ტარება, ფლობა ან შენახვა, ან ასეთი ნივთების ფლობა და გამოყენება სასმელების, საკვების, სუვენირების, ტანსაცმლის, სარეკლამო და/ან კომერციული ნივთების გაყიდვის მიზნით. FIBA და ორგანიზატორი უფლებამოსილი არიან მოახდინონ ყველა ასეთი ნივთის ამოღება და კონფისკაცია;
- n. გასწიოს ნებისმიერი სახის კომერციული მომსახურება ან ჩაატაროს ნებისმიერი ტიპის კომერციული აქცია ღონისძიების ადგილზე.

2.4 მოქმედი კანონმდებლობის თანახმად, ღონისძიების ადგილას შესვლის მომენტში იგულისხმება, რომ:

- o. პირი აცხადებს თანხმობას, რომ FIBA-მ ან FIBA-ს მიერ უფლებამოსილმა მესამე მხარეებმა კომერციული ან არაკომერციული მიზნებისთვის, კანონმდებლობით დადგენილი მაქსიმალური ხანგრძლივობით, უსასყიდლოდ გამოიყენონ პირის ხმა, გამოსახულება ან ფოტოსურათი ვიდეო ჩანაწერის ჩვენებით ან პირდაპირი ტრანსლაციის გზით, აგრეთვე სტრიმინგის ან ფოტოსურათების გავრცელების გზით იქნება ეს ინტერნეტით, რადიოთი, ტელევიზიით, მობილური ტელეფონით, ინტერნეტ-მონწყობილობით, ან რაიმე ტიპის ინფორმაციის გადამცემით (რომელიც არ არის ცნობილი მოცემულ მომენტში ან რომლის გამოგონებაც მოხდა შემდგომ), გარდა ისეთი გადაცემისა, რომელიც მოითხოვს კონკრეტული კომერციული დაწესებულების, პროდუქტის ან მომსახურების წარმომადგენელი პირის მიერ თანხმობას.
- p. პირი აცხადებს უარს ყველა იმ უფლებასა თუ ქმედებაზე, რომელიც ხელს უშლის 2.4 მუხლით განსაზღვრული ქმედებების განხორციელებას. FIBA (და FIBA-ს მიერ მედია მასალის გამოყენების შესახებ უფლებამოსილი მესამე მხარეები) ვალდებული არიან დაიცვან ასეთი ტიპის მედია მასალების გამოყენებასთან დაკავშირებული არსებული კანონმდებლობა.

3. აკრძალული ნივთები

3.1 ქვემოთ ჩამოთვლილი ნივთების ღონისძიების მოედანზე შეტანა აკრძალულია და დასაშვებია მხოლოდ FIBA-ს, ორგანიზატორის, ღონისძიების პერსონალის, უსაფრთხოების პერსონალის, სამართალდამცავი ორგანოების წარმომადგენლების ან სხვა უფლებამოსილი პირების ნებართვით:

a. სახიფათო ნივთები

- II. მყარი მასალის ჯოხები (მაგ. დროშის ტარი) ან/და ჯოხები, რომელთა სიგრძეც 1 მეტრზე მეტია;
- III. მინის ბოთლები, რომელთა მოცულობა 100 მლ-ზე მეტია (ბოთლში მოთავსებული მედიკამენტების გარდა);
- IV. ნებისმიერი ტიპის დანები და ბასრი საგნები, მათ შორის ჯიბის დანები და ისეთი დანები, რომლებიც წარმოადგენს კულტურული სამოსის ნაწილს;
- V. იარაღი ან ისეთი მოწყობილობები, როგორცაა ხიშტები, გასაშლელი დანები, გასაშლელი ხელკეტები, გალესილი ჯაგრისები, მოდიფიცირებული ქაშის ბალთები და ცივ იარაღად გადაკეთებული ბასრი პირები;
- VI. სახიფათო ნივთების მსგავსი ისეთი ნივთები, როგორცაა იარაღის რეპლიკები ან ასაფეთქებლები;
- VII. ცეცხლსასროლი იარაღი და ტყვია-წამალი (მათ შორის რეპლიკები, შემადგენელი ნაწილები ან ნებისმიერი სხვა მოწყობილობა, რომელიც შეიძლება ცეცხლსასროლ იარაღად ჩაითვალოს);
- VIII. დამცავი სპრეები, მაგ. ქიმიური ან წინააღმდეგობის სპრეები;
- IX. ფეიერვერკები, ფეთქებადი ნივთიერებები, ჩირაღდნები და თხევადი კვამლის ქილები;
- X. ბურთები, ჩოგნები, ფრისბი და სხვა ისეთი ნივთები, რომელთა სროლაც შესაძლებელია;
- XI. დიდი ქოლგები;
- XII. სახიფათო და ტოქსიკური ნივთიერებები;
- XIII. ნებისმიერი სხვა ნივთი, რომელიც გონივრულად შესაძლებელია სახიფათოდ ჩაითვალოს.

b. სითხეები

ალკოჰოლური სასმელები. შეზღუდვები აგრეთვე შესაძლოა გავრცელდეს გამაგრილებელ სასმელებსა და წყალზეც, კომერციული (მაგ. შესაძლოა აკრძალული იყოს გარკვეული ტიპის სასმელების ღონისძიების ადგილზე შეტანა, თუ მათი კომერციალიზაცია ექსკლუზიურად ღონისძიების ადგილზე მიმდინარეობს) ან უსაფრთხოების (შესაძლოა აუცილებელი გახდეს ყველა ბოთლის თავსახურის მოხსნა) მიზნებიდან გამომდინარე.

სითხეები, აეროზოლები და გელები, რომელთა მოცულობაც 100 მლ-ზე მეტია.

c. ფოტოგრაფული და სამაუნწყებლო აღჭურვილობა

ნებისმიერი ვიდეო/სამაუნწყებლო ან სხვა გადამღები მოწყობილობა, მათ შორის რეფლექსური კამერები, სამფეხები და მონოპოდები.

d. სხვა ნივთები

- II. ერთზე მეტი, მაქს. 25 ლიტრიანი ტევადობის რბილი, ცალმხრივი ჩანთა (ჩანთა უნდა მოთავსდეს სავარძლის ქვეშ);
- III. ლაზერული მაჩვენებლები და სტრობული ნათურები;
- IV. ხმაურის შემქმნელები, მათ შორის სანადირო საყვირები, პორტატული საყვირები, კლაქსონები, ვუვუბლები და სასტვენები;
- V. დიდი ზომის ქუდები;
- VI. ნებისმიერი ობიექტი ან ტანსაცმელი, რომელზეც დატანილია აკრძალული შეტყობინებები ან არაშესაფერისი კომერციული საიდენტიფიკაციო აღნიშვნა, რომელიც შესაძლოა გამოყენებულ იქნას ჩასაფრებული მარკეტინგის მიზნებისთვის;
- VII. კარვები, დაფები, ნიშნები, სპრეი - საღებავი ან ნებისმიერი სხვა ნივთი, რომლის გამოყენებაც შესაძლებელია ღონისძიების ადგილზე დემონსტრაციისთვის ან ქონების დასაზიანებლად;
- VIII. რაციები, ფიჭური კავშირის ჩამხშობები და რადიო სკანერები;

- IX. პერსონალური/პირადი უსადენო წვდომის წერტილები და 3G ჰაბები (ისეთი ქვეყანი მოწყობილობები, როგორცაა ანდროიდ ტელეფონები, აიფონები და ტაბლეტები ნებადართულია ღონისძიების ადგილის შიგნით, მაგრამ არ უნდა მოხდეს მათი, როგორც უსადენო წვდომის წერტილების გამოყენება, მრავალი მოწყობილობის ერთმანეთთან დასაკავშირებლად);
 - X. ველოსიპედები, დასაკეცი ველოსიპედები, როლიკები და სკეიდბორდები;
 - XI. ცხოველები, მათ შორის შინაური ცხოველები (დაიშვებიან მხოლოდ პოლიციის ძალები);
 - XII. მედიკამენტები რომლებიც ექვემდებარება კონტროლს, მათ შორის ნივთიერებები, რომლებიც ჰგავს ასეთ მედიკამენტებს;
 - XIII. ნებისმიერი სხვა ნივთი, მათ შორის ნებისმიერი ტიპის ქაღალდის რულონი (ტუალეტის ქაღალდი, საღარო აპარატის რულონები, კონფეტი და ა.შ.) რომელმაც შეიძლება შეაფერხოს შეჯიბრის მსვლელობა, შეზღუდოს სხვა მასპინძლის ხედვა ან შეუქმნას სხვა მასპინძლის უსაფრთხოების საფრთხე.
- 3.2 პირები, რომლებიც ფლობენ რომელიმე ზემოთ ჩამოთვლილ ნივთს, არ დაიშვებიან ღონისძიების ადგილზე და მოქმედი კანონმდებლობის საფუძველზე, შესაძლოა მოხდეს მათი გადაყვანა სამართალდამცავ დაწესებულებებში (მაგ. პოლიციის განყოფილებაში).
 - 3.3 აკრძალულია პროფესიონალური ფოტოგრაფიული ან სამაუწყებლო აღჭურვილობის ნებისმიერი გამოყენება FIBA-ს წინასწარი წერილობითი ნებართვის გარეშე.
 - 3.4 პუნქტში ჩამოთვლილი საგნების გარდა, სპეციფიკური მოთხოვნები ვრცელდება ქვემოთ ჩამოთვლილ საგნებზე, რომელთა შეტანაც ღონისძიების ადგილას შესაძლოა მოხდეს მხოლოდ ღონისძიების ადგილის უსაფრთხოების მენეჯერის ან სხვა უფლებამოსილი პერსონალის თანხმობით:

a. დროშები და ბანერები

პირი, რომელიც ფლობს დროშას ან/და ბანერს ვალდებულია დაამტკიცოს, რომ ამგვარი დროშა ან ბანერი:

- არ ასახავს აკრძალულ გზავნილს ან შეტყობინებას;
- არ არის დამზადებული აალებადი მასალისგან (2მ²-ზე დიდი ზომის დროშის შემთხვევაში).

იმ შემთხვევაში, თუ პირი, რომელიც ფლობს დროშას ან ბანერს დაიშვება ღონისძიების ადგილზე ვალდებულია, რომ ზემოხსენებული ნივთების გამოყენება შეათანხმოს უსაფრთხოების პერსონალთან;

- აიღოს სრული პასუხისმგებლობა დროშის ან ბანერის გამოყენებაზე;
- გაიაროს იდენტიფიკაცია მოქმედი პასპორტის ან ID ბარათის წარმოდგენით;
- საჭიროების შემთხვევაში, ხელი მოაწეროს შესაბამის სამართლებრივ ფორმას.

ნებისმიერი დროშა, გარდა ღონისძიებაში ან თამაშში მონაწილე გუნდების ქვეყნების ოფიციალური დროშებისა, შესაძლოა ღონისძიების პერსონალის, უსაფრთხოების პერსონალის და/ან სამართალდამცავი ორგანოების შეხედულებისამებრ არ დაიშვას ღონისძიების ადგილას.

b. დოლები

პირი, რომელიც ფლობს დოლს ვალდებულია დაამტკიცოს, რომ მის მფლობელობაში არსებული დოლი:

- არ არის ორმხრივად დახურული (დოლის ერთი მხარე აუცილებლად უნდა იყოს ღია);
- არ არის დამზადებული აალებადი მასალისგან;
- არ ატარებს ან მასზე დატანილი არ არის აკრძალული გზავნილი ან შეტყობინებას;

იმ შემთხვევაში, თუ პირი, რომელიც ფლობს დოლს დაიშვება ღონისძიების ადგილას ვალდებულია, რომ:

- აიღოს სრული პასუხისმგებლობა დოლის გამოყენებაზე;
- გაიაროს იდენტიფიკაცია მოქმედი პასპორტის ან ID ბარათის წარმოდგენით;
- საჭიროების შემთხვევაში, ხელი მოაწეროს შესაბამის სამართლებრივ ფორმას.

c. საკვები

FIBA და ორგანიზატორი უფლებამოსილნი არიან აკრძალონ ღონისძიების ადგილას საკვების შეტანა.

3.5 თუ შესაძლებელია, დროებით ჩამორთმეული ნივთები შესაძლოა განთავსდეს ღონისძიების ადგილას არსებულ გარდერობში/საწყობში იმ შემთხვევაში, თუ უსაფრთხოების პერსონალი დაადასტურებს, რომ ამგვარი ნივთი არ აყენებს რისკის ქვეშ უსაფრთხოებას.

4. პასუხისმგებლობა

- 4.1 საგანგებო სიტუაციის შემთხვევაში, ღონისძიების ადგილზე მყოფმა ყველა პირმა უნდა შეინარჩუნოს სიმშვიდე და დაიცვას ღონისძიების პერსონალის, უსაფრთხოების პერსონალის და/ან ნებისმიერი სამართალდამცავი წარმომადგენლის მითითებები. FIBA და ორგანიზატორი არ იღებენ პასუხისმგებლობას სხვების სიცოცხლეზე, ჯანმრთელობასა და საკუთრებაზე მოქმედი კანონმდებლობით დაშვებულ მაქსიმალურ ფარგლებში და განსაკუთრებით მათი მითითებების შეუსრულებლობის შემთხვევაში.
- 4.2 იმ შემთხვევაში, თუ პირი დაარღვევს სახანძრო უსაფრთხოების წესებს (მათ შორის, თუ ეს დარღვევა გამოწვეულია ღონისძიების ადგილზე მოწვევით), რაც გამოიწვევს ხანძარს ან/და სიგნალიზაციის გააქტიურებას, FIBA და ორგანიზატორი არ იღებენ პასუხისმგებლობას ასეთი გადაუდებელი ევაკუაციით გამოწვეულ შედეგებზე, რომელზე პასუხისმგებლობაც დაეკისრება მხოლოდ დამრღვევ პირს.
- 4.3 FIBA და ორგანიზატორი მოქმედი კანონმდებლობით დაშვებულ მაქსიმალურ ფარგლებში არ იღებენ პასუხისმგებლობას იმ ზიანისთვის, რომელიც მიადგა პირის სიცოცხლეს, ჯანმრთელობას და საკუთრებას ღონისძიების ადგილზე, განსაკუთრებით იმ შემთხვევაში, თუ ზიანი გამოიწვია წინამდებარე წესების დარღვევამ.

5. აკრედიტაციები

ზემოაღნიშნული დებულებების გარდა, შემდეგი ეხება პირს, რომელმაც მიიღო ან იყენებს აკრედიტაციას (შემდგომ აკრედიტაციის მფლობელი), მიუხედავად იმისა, არის თუ არა ის პირი, რომელიც აკრედიტაციაშია მითითებული:

- 5.1 აკრედიტაცია გაიცემა მხოლოდ პირადი სარგებლობისთვის და დაუშვებელია მისი სხვებისთვის გადაცემა. სავალდებულოა მისი მუდმივად და თვალსაჩინოდ ტარება.
- 5.2 აკრედიტაციის მფლობელს ენიჭება მხოლოდ აკრედიტაციაში მითითებულ ზონებში შესვლის უფლება და ვალდებულია ისარგებლოს შესაბამისი შესასვლელით.
- 5.3 აკრედიტაცია არ ანიჭებს აკრედიტაციის მფლობელს დასაჯდომ ადგილს ღონისძიების ადგილზე მაშინაც კი, თუ მფლობელს აქვს კონკრეტულ ზონაში შესვლის უფლება. მოქმედი ბილეთის ქონა ყოველთვის სავალდებულოა გარდა იმ შემთხვევისა, თუ ბილეთის არ ქონა ნებადართულია FIBA-ს ან/და ორგანიზატორის მიერ.
- 5.4 აკრედიტაციის ნებისმიერი სახით ბოროტად გამოყენებამ (მათ შორის უნებართვო შესვლა შეზღუდულ ზონებში ან წინამდებარე წესების შეუსრულებლობა) ან უსაფრთხოებისა და/ან ღონისძიების პერსონალთან კონფლიქტმა, შესაძლოა გამოიწვიოს აკრედიტაციის დაუყოვნებლივ გაუქმება FIBA-ს ან ორგანიზატორის მიერ.
- 5.5 აკრედიტაცია წარმოადგენს FIBA-ს საკუთრებას და შესძლოა FIBA-ს შეხედულებისამებრ, დაუყოვნებლივ გაუქმდეს ნებისმიერ დროს.
- 5.6 აკრედიტაციის მოპარვის ან მფლობელისგან დამოუკიდებელი მიზეზით დაკარგვის შემთხვევაში, აკრედიტაციის მფლობელი ვალდებულია ამის შესახებ დაუყოვნებლივ აცნობოს FIBA-ს ან/და ორგანიზატორს.
- 5.7 აკრედიტაციის მფლობელი აცხადებს თანხმობას მასზე, რომ FIBA-მ და ორგანიზატორმა შეაგროვონ მის შესახებ ინფორმაცია, დაამუშაონ, გამოიყენონ და შეინახონ ამგვარი ინფორმაცია FIBA-ს, ორგანიზატორის ან მესამე მხარის მიერ ღონისძიების ორგანიზების და კალათბურთის პოპულარიზაციის მიზნით.

6. მარეგულირებელი კანონმდებლობა — იურისდიქცია

- 6.1 ურთიერთობა პირს, FIBA-ს, ორგანიზატორსა და მათ წარმომადგენლებს შორის რეგულირდება ექსკლუზიურად შვეიცარიის კანონმდებლობით, კოლიზიური ნორმების გათვალისწინების გარეშე.
- 6.2 წინამდებარე წესებიდან გამომდინარე ან პირის ღონისძიებაზე დასწრებასთან დაკავშირებით წარმოშობილ ნებისმიერ დავას განიხილავს ექსკლუზიურად ლოზანას სასასამართლო შვეიცარიაში.